

大食四方！ 味蕾带你去旅行

外出旅行，除咗领略自然风光、细味人文情怀，最吸引人嘅point就係可以周围觅食啦。中国那么大，想要食遍全国，靠真人过去旅行要花唔少时间，现在我哋嘅物流系统发达，好多美食都可以送到你面前！“吃货”Color君就等味蕾先行，带大家足不出户，在家“吃”遍四方，探寻各种特色宝藏小吃。

黄正晴/文 产品官方/图



养歌 碗团



碳水盛宴

南国 椰子饭

碳水係能量之源，每个地方都有自己嘅好味碳水化合物。普通嘅发面馒头食得多，咁你要试试天津银丝卷，但内部结构唔係致密嘅孔洞，掰开似面条一样丝丝分明，俾你个全新嘅早餐口感。讲到椰子，大家一定知道佢係海南特产之一，除了椰子糖、椰子脆脆、椰青，现在我哋仲可以食到有热带风味嘅椰子饭！香软嘅糯米，被整粒椰子包裹，被椰香渗透微甜嘅椰子饭会越嚼越香，再加码啲椰子汁或者芒果汁，风味更佳。糯米饭、馒头太饱肚？你试试山西嘅荞麦碗团。呢种由被扁平小碗装载，荞麦制成嘅冻状小吃，最啱当宵夜。倒上油泼辣子同陈醋，软糯嘅口感让你食到停唔到口。



京御和 茯苓饼

甜味mix

食饱正餐，“甜品胃”係时候上岗！北方食物偏酱香、重口味？北京茯苓饼就係甜甜地嘅，茯苓霜和面粉做成的馅饼，中间夹住晶莹嘅蜂蜜同果碎，香甜之余仲有滋补之效。云南鲜花饼就个个都听过，其实酸角糕都好有代表性，将二者mix埋一起，玫瑰酸角糕就诞生啦！酸甜中隐藏着花香，晶莹透明嘅粉红色糕体，无论係味道，定係外表都会令人少女心爆发。白滑豆腐就人见人爱，但浙江木莲豆腐就有所不同，由木莲杆搓成嘅透明果冻，爽口清凉，係当地人嘅童年味道，亦都係所有“薄荷控”不可错过的美食。



十八怪 玫瑰酸角



天华美乳 奶茶



韩麻麻 花椒酸奶



潘祥记鲜花饼



下饭“神器”

识饮识食嘅广州人，点会只满足于碳水嘅果腹之欲。唔安分嘅味蕾成日都想试啲新刺激。大家都知道，贵州人嗜辣如命，但有谗到佢哋居然“丧心病狂”到，直接将辣椒制成香脆嘅零食。好似俚语拈过条俐咁，食完口腔微麻，辣椒终于做翻次主角。如果嗜肉，一定唔可以错过呢款美味——“冷吃兔”係真·兔肉，尽管“兔兔这么可爱，为什么要吃兔兔？”但当你睇到特制嘅酱料，包裹大细适中嘅兔肉丁，一口一粒，香酥嫩滑，既可以当饭，又可以当零食，好容易就消化一大包。



蜀道香 冷吃兔

Happy ending

食到够晒嘅，用杯饮品做ending就完美晒！新疆嘅奶制品口碑一直都唔差，尤其是佢嘅奶茶浓郁到“一啖入魂”。咸味奶茶听起身好似“暗黑料理”类，其实淡淡嘅咸味会让更加突出奶味嘅醇香，绝对会颠覆你嘅误解。花椒除咗做香料，仲可以整成酸奶，你实估唔到吧？陕西花椒酸奶个名听起身奇怪，细细瓶好似酱料，独特嘅工艺将花椒嘅麻同香分离，令佢吃起来只有花椒嘅香味。想令味蕾体验过山车嘅朋友，真係可以大胆一试！



扮蟹 ban6 hai5

螃蟹在售卖前一般会用草绳缠捆好，既避免走失，又保护肉质，最紧要係防止咗蟹钳伤人。“扮蟹”最开始嘅意思，就係用喺戏称啲啲被人好似捆螃蟹一样五花大绑嘅盗贼，不过如今“扮蟹”的词意已经“大变样”啦。粤语中嘅“扮”有演绎、模仿之义。而打横行嘅蟹，睇起身霸道又另类，所以时下的“扮蟹”多数用来指他人特别做作、装腔作势。

造句：你几斤几两大家唔知咩？唔好扮蟹啦！

大大只嘅蟹，未必就係膏满肉肥嘅，水蟹就係典型例子。作为青蟹中的最次品，水蟹外表虽然好大只，但係煮熟后拆开佢，你就会发现入边水汪汪咁，肉少又难剥。所以“水蟹”通常用嚟形容徒有外表，却有实际能力嘅人。不过话番转头，肉少嘅水蟹味道几清甜嘅，识饮识食嘅广东人，就会用水蟹煲粥，通常用嚟做宵夜。

造句：你睇佢大大声，其实水蟹嚟㗎，如果真系有料，使乜周围唱啊。

水蟹 sêu2 hai5



老虎蟹 lou5 fu2 hai5

老虎蟹一般係指头胸甲呈蛙形，壳上有花纹的一种螃蟹。不过喺粤语中，如果将“老虎蟹”当作副词使用，并有什么实指的意思，而係起到加重语气、增加气势的作用，暗含“无论如何、不顾一切”的意思。呢个词常以“老虎蟹都要……”的句式出现，一般可以与“几大都要……”换着用。

造句：准备得咁充分，今次考试我老虎蟹都要搵第一啲嘅！

正所谓不时不食，立秋后，菊香蟹肥，正係食蟹嘅好时候。黄油蟹、奄仔蟹、大闸蟹……各有各滋味，为食猫们忙住沉浸在蟹黄膏肥的美好当中。粤语中，都有好多关于蟹嘅讲法，扮蟹、软脚蟹、倒泻箩蟹……呢啲“蟹言蟹语”，你识几多咧？

陈祉伶/文 郭玮、黄芷晴/模特

秋风起要食蟹

成熟嘅螃蟹靠近蟹身嘅一节脚比较硬，如果捏唔啱，多半係一只好蟹，如果捏得啱，咁呢只蟹可能仲太嫩或者品质不太好。粤语同上海话都有“软脚蟹”一词，但意思有啲唔同，上海话嘅“软脚蟹”常用来形容软弱无能，被人欺负嘅倒霉蛋；粤语嘅“软脚蟹”则比喻行唔快或者不能走远路嘅人，也比喻没能力、遇事惊慌失措嘅人。

造句：遇到危险情况，唔好成只软脚蟹嘅，淡定啲先会谂到办法㗎。

软脚蟹 yūn5 gē3 hai5



倒泻箩蟹 dou2 sé2 lo4 hai5

满满一箩筐嘅螃蟹倒翻在地，重获自由嘅蟹当然会四散逃散。要想将所有蟹捉番入箩箩筐度，不但要左右走动去捉爬到有雷公咁远嘅蟹，仲要防备佢哋用蟹钳攻击你，狼狽乱嘅程度可想而知。于是，“倒泻箩蟹”呢个俚语，就被用嚟比喻手忙脚乱嘅状态，或者场面十分混乱。

造句：煮煮下饭，厨房突然间爆水喉，今铺真係倒泻箩蟹嘅，乱晒㗎。

“大石砗死蟹”呢个词，据闻来自于清朝的一宗冤案。话说旧时有人称“祝巡检”嘅官，在受理一单争地案时，将受贿银打成银蟹压在大石下，一来保留证据，二来係提醒自己要丕遗余力地追查此案。呢宗被时间湮没的惨案，后来被编成粤剧《梁天来告御状》。小螃蟹被大石头砗到实，自然係动唔得，只能乖乖听人指示、任人摆布。所以大家就用“大石砗死蟹”比喻啲啲以权势压人、让人屈服嘅行为。

造句：主管又乱接项目，到实操嘅时候一镬粥咁，但大石砗死蟹，我咁点都要做完。

大石砗死蟹

dai6 ség6 zag3 séi2 hai5

